



Gólar Corót

Sinno diyar zoruriyat ókkol

Imigrícén bondi sóulot ot góulibar agortú, ziyarot goróya beggún zará 18 bosór yá uoror (dhoóñr) asé taráttu sinnor habos ókkol or 100 púain ókkol diya foribóu, ronggin fothú sinno cóo zendila tuáñr dorhás ót diya giyé.

- Foidaci sarthifikéth, paásputh, decóttayi sartifikéth yá oinno kisím ór habosfonna ziyán ót paásputh ór dhóilla húbi asé, diplométhik habosfonna cóo ókkol (yá ekkán Immicard) é 70 púain ané.
- Garír laisén yá Komónwélt, ekkán Autralíar esthéith yá theróthori yé neelai diyéde parmíth é 40 púain ané.
- Oinno habosfonna fúañti estemal gorí faribóu baki roiyéde púain ókkol banaibélla. Aró maalumát ollá, Australian Border Force (ABF) (Australíar Boóudhar Fóus (ABF)) wébáith ot sóo <https://www.abf.gov.au/about-us/what-we-do/border-protection/immigration-detention/visit-detention/identification-guidelines>

Cóñço fuain 16 bosór yá uore aséde ítarartú hámahá gólar púain ót sinno sámán diya foribóu gura fuar nam diya zeén néki garír laisén, ekkán paásputh (zodi muddot notáke, paásputh hámahá goto dui bosór ór bútoe muddot taka foribóu), Medicare kaádh, konsécen kaádh yá eskuilla fuain dór sinno kaádh.

Cóñço fuain 16 bosór ór lamát aséde ítararé kobul gorá zaibou sinno sóbut sára zodi uggwá dhoóñr zimmadar ziyarot goróya tarár fúañti tákede óile zendila huwá giyé ziyarot goróyar dorhás ot.

Zodi fothú sinno ót tuáñr thíkana cámel notáke, ekkán mozíd sinno habos ekkán hámahá diya foribóu. Luwazadé mozít sinno fórom hámahá federal esthéith yá lokél hókumot or adíkar, uggwá maali edára, yá yuthilithi hédmot douya óttu úwa foribóu ar tuáñr nam arde ehón ór thíkana duníyan cámel úwa foribóu. Kobul gorázade sinnor habosfonnar fórom ókkol or mesál ot cámel óiyede, lékin limíth goijjá noó, ekkán bond loókgoijjá risíth, ekkán konsil reith nothís, benk habos, yá oinno yuthilithi bil.

Kaanuni fecá óla ar/yá híjoroti ejénth

Zodi tuñí uggwá kaanuni fecá óla ar/yá híjoroti ejénth óile, fórom yíán ót boiyan goijjéde corót ókkol ór fúañti tuáñrtu yó diya foribóu:

- kaanuni fecá óla/híjoroti ejénth ór tobkar sóbut;
- tuáñr kumpani logo loiya habos ot leikká tojdit déki tuáñre uggwá ukil, baristhar, paralígel yá híjoroti ejénth ór hísafe kumpani/ hasharbar ór torfóttu ham ot loiyé;
- Kumpanir tú kaanuni mocuwarar aros goijjéde bondi(ókkol) ór nam(ókkol), ar fottí líís goijjá maincór torfóttu amól goribélla uggwá dostok goijjá adíkar; ar
- bondi ye ziyára goribélla rezamondi diyéde yíán ór sóbut.

Sehétí fecá óla

Zodi tuñí uggwá sehétí fecá óla óile (zibá Bondigorá Sehétí Hékmot Douya loi laigga noó), fórom yíán ót boiyan goijjéde corót ókkol ór fúañti tuáñrtu yó diya foribóu:

- daktori yá oinno sehétí fecá ólar tobkar sóbut;
- taaluki hamor sóbut; ar
- bondi ye ziyára goribélla rezamondi diyéde yíán ór sóbut.

Ofísali ziyarot goróya

Zodi tuñí uggwá ofísali ziyarot goróya óile (baárkolor cek gorá tonzim, kaanuni bodiya ejénsi yá esthéith/therothori bálaiyi ejénth sir nomainda), fórom yíán ót boiyan goijjéde corót ókkol ór fúañti tuáñrtu yó diya foribóu:

- tuáñr fecá/hamdouyar sóbut; ar
- zodi bondi(ókkol) loi dola óitou soórde óile, bondi(ókkol) e ziyára goribélla rezamondi diyéde yíán ór sóbut.

Parliament or arde hókumot or nomainda ókkol

Zodi tuñí uggwá parliament ar hókumot or nomainda óile ar bondi(ókkol) loi dola óitou soórde óile, fórom yíán ót boiyan goijjéde corót ókkol ór fúañti tuáñrtu bondi ye ziyára goribélla rezamondi diyéde yíán ór sóbut ó diya foribóu.

Konsúlar ofísali manúic yá bedecóitta hókumot or nomainda ókkol

Zodi tuñí uggwá Konsúlar manúic yá bedecóitta hókumot or nomainda óile, fórom yíán ót boiyan goijjéde corót ókkol ór fúañti tuáñrtu bondi ye ziyára goribélla rezamondi diyéde yíán ór sóbut ó diya foribóu.

Bolónthiyar ókkol, sómaji grúp ókkol ar ziyarot goróya ókkol zará ruháni dekbál de

Zodi tuñí uggwá bolónthiyar ar/yá sómaji grúp uggwár membór óile, ar imigrícén bondi sóulot ót ziyára goittóu soórde óile bondi ókkol ór fúañti monzur prugram arde hórkot ókkol goribélla, fórom yíán ót boiyan goijjéde corót ókkol ór fúañti tuáñrtu Australíar Fédhrel Fulic or cek ókkol arde oinno zoruri kaanuni cek ókkol óttu guzori gorá foribóu, ar (zeçé lage) komzur fuain/maincór fúañti ham gorár cek cóo.

Konthrekthar ókkol

Zodi tuñí uggwá imigrícén bondi sóulot or fúañti ham goróde konthrekthar óile, fórom yíán ót boiyan goijjéde corót ókkol ór fúañti tuáñrtu:

- tamám hédayot or sáñte zín tuáñre huwágiyé iin manilo, zeçé ham goribélla tuáñre ejazot diyagiyé, ar hoóñtte Facilities and Detainee Service Provider (FDSP) (Sóulot ókkol arde Bondi Hédmot Douya (FDSP)) ham goróya ókkol óttu tuáñre niza foribóu cóo;

- munaséf laísén ókkol, monzuri ókkol ar incúaréns ókkol óre dóri raikkó loiyóde ham ókkol óre goribélla;
- Australíar Fedherel Fulic békgroundh cek dóri rakó ham cúru goríbar agortú yá honó hédmot ókkol dibar agortú;
- Zezé sáman ókkol zorurot fore:
 - imigrícén bondi sóulot ot seróf sáman arde hol ókkol ainnó zín zorurot fore háas ham ollá ar zín luwa giyé iín ollá ar honó sáman ókkol óre félai no raikkó manúic sára;
 - yán fakka goróde sáman beggín óre sáman or rejisthar ór bútole leká giyé sáman or fura boiyan loi ar neeli biccót FDSP soñijja membór ór torfóttu sáain gorá giyé;
 - fakka goróde zehonó sáman yá hol óre saith ot raka forerdé óile, FDSP soñijjar negeranir nise héfazot gorí raka foribóu; ar
 - munaséf hamor hoor fiñdó (zeén néki bicí foór daházade hoor ar hamor zuta ókkol).

Ziyarot goróya ókkol beggún

Ziyarot goróya beggín óttu ziyarot rejisthar ot sáain gorá foribóu imigrícén bondi sóulot ot neela gólar thaim ot.

Ziyarot goróya beggún arde tarár sáman ókkol óre amón eskrín ólla aros gorá zaibou uggwá dahél gorár háalot hísafe. Yán ót cámil tákit fare hátor eskénar ókkol, áñçi-zadé eskríning, x-réy arde jiníc tuwoni. Jiníc tuwoni torika ókkol ót cámil tákit faredé tuwoni kuñir ór estemal gorá. Ofisar uggwá ye aros gorít fare tuáñrtu aséde jiníc ókkol óre cek goribélla, ar/yá jiníc iín óre x-rey't eskrín goribou. Tuáñrtu honó zimma ná aros yán óre mani zaibellá. Mogor zodi tuñí nomano, tuáñre imigrícén bondi sóulot or bútole dahél goribélla inkar gorítfare.

Tuáñrtu hámahá córaf yá ór nicár alamot no táka foribóu.

Ziyarot goróya beggún óre gólar corót hísafe aros gorázaibou sehét eskríning goribélla. Sehét eskríning karwaiyi íba jurisdhíkcan or Pablík Sehét Yunith arde oinno sehéti hamgoróya ókkol or mocuwara hísafe gorázade ar íbar moksót óilde añáar imigrícén bondi sóulot ókkol ót góli biccót biaram or hótara, COVID-19 cóo, homai bélla. Ín ót cámil asé, mesál, sehéti eskríning súal ókkol, gaatzor cekgorá ar COVID-19 or theés gorá.

Zodi tuñí sehét eskríning karwaiyi fas noó, yá tuáñrtu sehét ór tobkar baabote cók asé:

- tuáñre dahél gorá inkar gorá zaibou imigrícén bondi sóulot ot; ar
- tuáñrtu tuáñr ziyarot oré thaim bodoli diya foribóu.

Ziyarot goróya ókkol óttu **tarár COVID-19 veksín loi torutaza** asé né yán or sóbut dibella zorurot ót fare.

Tuáñrtú hámahá sáfsútorar/fúk kontróul ór entezam gorá foribóu, cámil goijjá lékin hót goijjá noó, hátor sáfsútorar, hacor adob ar zehonó duré tákar zoruri ókkol. Tuáñre másk ekkán fiñdí bélla fusár gorá zaibou. Zehonó sáfsútorar zorurot ór fél gorá yé tuáñr ziyarot oré hótom gorítfare.

Tuáñr zati maalumat zoma gorá tuáñr issá. Tuáñr zati maalumat oré dolagorá zaibou kentrék goijjá hédmot douya soñijjar torfóttu zará sehét eskríning goré imigrícén bondi sóulot ókkol ót Department of Home Affairs (Góror maamela Dipáthment) (Dipáthment gán) ór torfóttu.

Tuáñr zati maalumat oré rejisthar ot cámil gorá zaibou ar kaanuni hísafe estemal arde zahér gorá zaitfare (Dipáthment óre yó) (**hósusir baabote zoruri maalumat oré** háwala goró).

Tuáñrtu pabilík zagar hísafe munaséf hoor fiñdá foribóu, hosúri lagedé éndila fothú yá solóugan ókkol lagaiya hoor fiñdí nofaríba. Fecá óla tonzim or nomainda ókkol óttu fecá óla hoor fiñdóon saá (hasharbar or hoor) zodi honó yuniformal yá nomainda hoor no fiñdéde óile. Ham or Sehét ar Héfazoti wajállá, bon zuta (kúri óla zuta noó) fiñdá foribóu.

Tuáñrtu hámahá imigrícén bondi ot aséde manúic uggwár ziyarot oré inkar goríbar hók oré izzot gorá foribóu.

Jiníc ókkol óre imigrícén bondi sóulot or bútole anónoon

Tuñí imigrícén bondi sóulot ot endila honó sáman aní nofaríba zín Australíar kaanun ot maná. Australíar kaanun ot Komónwelt, esthéith yá uggwá theróthorir kaanun ó cámil asé. Honó maná aséde jiníc ókkol zodi tuáñrtu faa, iín tuáñre waapes diya nozaibóu ar fulic or háñsé háwala gorá zaibou.

Tuñí konthróul goijjá jiníc ókkol imigrícén bondi sóulot or bútole aintóu no saáiyó. Konthróul goijjá sáman ókkol óilde zín Australíar kaanuni hísafe rakí faribá lékin zín é sehéti, hósusi, héfazoti, amóni yá imigrícén bondi sóulot or bála tortip óre hótara gorér ar iín maná. Zodi tuñí sáman iín ór fúañti imigrícén bondi sóulot or bútole aiyó, tuáñrtu hámahá hamola ókkol óre elan gorá foribóu ar sáman iín óre zomai raká foribóu ziyarot goróyar zagat gólibar agortú. Tuáñre imigrícén bondi sóulot ór bútole góiltou nodibóu zodi tuáñtu endila sáman ókkol táke zín é sehéti, hósusi, héfazoti, amóni yá imigrícén bondi sóulot or bála tortip óre hótara goré.

Tuáñtu sáman ekkán aséde yán maná né yá konthróul goijjá né yán fakka noóde óile, tuáñrtu cek goréde ofisar óre imigrícén bondi sóulot or bútole gólibar **agortú** elan gorá foribóu. Zodi ziyára gorí bíccót tuáñrtu zati sáman ókkol zoma foille lokár ókkol estemal gorít faribá. Maná arde konthróul goijjá sáman or mesál ókkol imigrícén bondi sóulot or gólede zagar atehañsé sáainbudh loiyóre dahá giyé ar ABF or wébsáith ót líis gorá giyé

<https://www.abf.gov.au/about-us/what-we-do/border-protection/immigration-detention/visit-detention>

Zehonó jiníc ókkol ziyán uggwá bondi ólla erada goijjé yán hámahá ziyarot or estekbal or zagat deféla foribóu amóni eskrín ólla, ar góla ruká zait fare uore huwá giyéde sóbob ókkol ólla.

Bon ot mazé aséde maincé loifaredé jaidat or uore ahéri limíth asé. Ziyarot goróya ókkol é ainné dé jiníc iín óre inkar gorít fare zodi limíth yán farái zagói.

Zehonó zati sáman ziyán rakibélla tuáñre ejazot diya giyé imigrícén bondi sóulot ot yán tuáñr zimma. Imigrícén bondi sóulot or bútole takí biccót tuáñr zati sáman ókkol or loós yá nuksan ollá Dipáthment é honó zimma no loibou. Tuáñr zimma tuáñr zati sáman ókkol óre saibélla ar yán fakka goróde tuñí sáman iín tuáñr fúañti loizo zehón tuñí neeli zoogói imigrícén sóulot óttu.

Modot goréde janwar ókkol

Sóulot ot ziyarot goróya ókkol óre aros gorítfare sóbut peec goríbélla kide tarár janwar dasé uggwá modoti janwar yá janwar oré thréin gorá giyé munaséf sófayi ar solasol or tobka fura goríbélla imigrícén bondi sóulot ot gólibar ejazot dibar agortú.

Modot gorá janwar óre hámahá soñi gorá foribóu ziyarot goróya óttu hárr thaim ot ar imigrícén bondi sóulot or ziyarot zagat tooitta taki faribóu de ar seróf ziyarot goríbélla ejazot diyéde thaim ot.

Ziyarot goróyartú hámahá eskrín ór ejazot diya foribóu modot gorá janwar ollá amóni eskrín ór karwaiyi ókkol mozin. Ziyarot goróya ókkol óre fusár gorítfare karwaiyi ókkol óre modot goríbélla. Yán ot cámil tákit fare janwar or hoor tuwat modot gorá.

Ziyarot or cómot torzó amól

Tuáñrtu hámahá imigrícén bondi sóulot or rul ókkol óre saá foribóu, ar zehonó soñijja ye diyéde munaséf hédayot óre mana foribóu. Tuñi toslim goijjóde ziyarot zaga ekkán pabilík zaga. Tuáñrtu hámahá oinno zon ollá izzoti bebáar gorá foribóu ar ziyán é ferecan yá mockil nogoré imigrícén bondi yá oinno ziyarot goróya ókkol óre. Tuñi éndhilla bebáar óre bol nodibá yá nogoribá ziyán é uldha asór gorít fare imigrícén bondi sóulot or héfazot, bála tortip, yá amón óre.

Tuáñrtu hámahá ziyarot sinno kaádh fiñdá foribóu ziyán soñijja ókkol é dekéfan ziyarot or hárr thaim ot, ar ziyarot zagat táko úde zehón foijjonto oinno imigrícén bondi sóulot or zagat zaibellá ejazot diyéde ó soñijja ókkol ór zoriya.

Tuñi hámahá imigrícén ór modot di nofaríba zehón foijjonto tuáñre imigrícén ór modot dibellá ejazot noóde. *Migration Act 1958* (Migration Act) é ar uggwá manúic óre imigrícén ór modot difare yán ór uore thaith rukawoth ókkol di raikké. Imigrícén or modot hoóde ki yán Migration Act é boiyan goijjé. Manúic zibáye ejazot sára imigrícén or modot dé íbayé jurúm goijjé ar \$10,000 or uore lóti zoribana bóra forit fare.

Honó cóñço fuain aná tuáñr zimma ar tuáñrtu hámahá sóñla foribóu hárr thaim ot mazé.

Tuáñrtu honó sinta ókkol takile bondi yá oinno ziyarot goróya ókkol ólla soñijja ré háwala goríba. Nothís ókkol óre ziyarot goróyar zagat dahágiyé tuáñrtu aséde zehonó sinta ókkol óre reput dibellá.

Góla inkar gorá ar ziyarot ókkol kensél gorá

Immigration Detention Visitor Program (Imigrícén Bongorá Ziyarot Prugram) or andhár ót Zati ziyarot ókkol óre tooitta ruki fare zehonó thaim ot operécan ór báfar zoriya, éçe cámil asé (lékin limíth goijjá noó) sehét, héfazoti arde amón.

Tuáñre inkar gorá zaitfare ekkán imigrícén bondi sóulot ot yá tuáñr ziyarot kensél gorá zaitfare zodi:

- tuáñr sáman beggín óre elan gorí dibellá tuñi fél óiyo;
- tuñi fél óiyo tuáñr agor mujorimi hosúri ókkol óre elan goríbélla;
- tuñi fél óiyo kafí age nothís dibellá tuáñr ziyarot or baabote, ziyarot ollá ejazot gosí noófo, yá góli bellá adikar ná;
- tuñi fél óiyo kafí sinno dibellá;
- tuñi fél óiyo hoiyéde zagat tákibellá;

- tuñi fél óiyo sóñli bélla ar fúañti tákibellá, fottí thaim ókkol ót, cóñço fuain ókkol óre ziin ólla tuñi zimma;
- tuñi munaséf hoor yá bon goijjá zuta ókkol fiñdí bélla fél óiyo;
- tuñi inkar goijjó zanai bellá ar/yá gólar corót ókkol dostok goríbélla;
- tuñi inkar goijjó imigrícén bondi sóulot sinno kaádh óre rakíbélla (zezé dahá giyé);
- tuñi inkar goijjó sáman ókkol óre sarendhár goríbélla ziín or ejazot diya noó zaa imigrícén bondi sóulot ot;
- tuñi inkar goijjó amón ar/yá sehét eskríning yá cek gorá karwaittú pas goríbélla;
- tuáñr tour torika munaséf noó, hóraf yá imigrícén bondi sóulot or yá imigrícén bondi sóulot or bútoe maincór amón, bála tortip yá héfazot or ór uore hótara asé;
- ofísar uggwá yé cók gorérde tuñi córaf or yá gair kaanuni ciz ókkol or nicát asó;
- ofísar uggwá ye cók gorérde tuñi gaat gom ná;
- ofísar uggwá ye cók gorérde tuñi jiníc ókkol loi zoór ziín or imigrícén bondi sóulot ot ejazot ná;
- ofísar uggwá yé cók gorérde tuñi fél óigiyógoi Gólar Corót iín loi mani bélla ze honó thaim ot;
- amón yá adob ahálak ór baabote yá hórafi ré ruká yá imigrícén bondi sóulot ot jurím gorár maamela uiththé;
- intéligen yá hótora loi taaluk, ar/yá
- oinno operécan ór sóbob ókkol.

Tuáñrtu tuáñr ziyarot oré kensel goríbélla yá tuáñre yá tuáñr sáman óre imigrícén bondi sóulot ot gólar inkar goribella honó fáisela ré izzot gorá foribóu. Zodi fusár gorá gilé, tuáñrtu hámahá imigrícén bondi sóulot ottu fóuran neeli zagóli foribóu. Éndila inkar gorá yé tuáñr samme ziyarot ór kabeliyoti ré asór gorít ar fulic óre háwala ditfare.

Cékuwa arde fídhbék

Tuñi cékuwa uggwá lóoj uggwá gorí faribá yá tuáñr ziyarot or uore fídhbék di faribá. Aró maalumata faazaibou Dipáthment wébsáith

<https://www.homeaffairs.gov.au/help-and-support/departmental-forms/online-forms/complaints-compliments-and-suggestions> ot.

Hósusiyot or baabote zoruri maalumata

Tuáñr zati maalumata óre kaanuni torfóttu héfazot gorágiye, *Privacy Act 1988* cámil goijjá. Tuáñr zatir maalumata ókkol, bicí naazuk maalumata cóo, ór dolagorár, estemal gorár arde (oinno ejénsi ókkol arde tesára paathi ókkol) óre zahéri gorár baabote zoruri maalumata ókkol, fórom 1553 Privacy Notice (Hósusi Nothís) *Visitors to immigration detention facilities* ('Imigrícén bondi sóulot ot ziyarot goróya') or bútoe asé ziín ABF's ór wébsáith ót yá sóulot ókkol ór bútoe faaza. Tuñi fakka goró dé tuñi foijjó ar buijjó fórom 1553 óre fórom fura goríbar agortú.

Aró maalumata

Aró maalumata, éçe imigrícén bondi sóulot tofsil, taaluki maalumata, kúlede thaim ókkol, ar dorhás ór fórom ókkol óre háñsil gorí fare ABF's ór wébsáith ot

<https://www.abf.gov.au/about-us/what-we-do/border-protection/immigration-detention/visit-detention>

Agreement

All visitors must read the *Conditions of Entry* on pages 1–3 of this form and sign this Agreement before entering the immigration detention facility.

I declare that:

- I have read the *Conditions of Entry* on pages 1–3 of this form.
- I am not bringing any prohibited or controlled items into this immigration detention facility.

I understand that:

- failure to comply with the above conditions may result in:
 - refusal of entry to the immigration detention facility;
 - termination of the visit;
 - removal from the immigration detention facility; andthat any such failure may negatively impact the approval of any application I may make for future visits to this or any other immigration detention facility.
- by signing this Agreement, I agree to comply with the *Conditions of Entry* on pages 1–3 of this form.

I acknowledge that:

- the Department collects personal information from me and that I have read the information contained in form 1553 *Privacy Notice Visitors to immigration detention facilities*. I consent to the collection, use and disclosure by the Department of my personal information, and the personal information of any accompanying minors of which I am the parent or guardian, for those purposes set out above and/or as described in form 1553 or as otherwise authorised or required by an Australian law.

Razinoma

Ziyarot goróya beggún óttu hámahá gólar corót ókkol forá foribóufórom yían ór sófa 1-3 ot ar Razinoma dostok gorá foribóu imigricén sóulot ot gólibar agortú.

Añí elan goijjí de:

- Añí Golar Corót ókkol óre foijjí fórom or sófa 1-3 ot.
- Añí maná goijjéde zehonó jiníc yá konthróul goijjá jiníc ókkol óre imigricén sóulot or bútoe núani.

Añí buzír dé:

- uoror corót ókkol óre mani bélla naakam úwa notiza neelit fare:
 - imigricén bondi sóulot ot góla inkar gorá;
 - ziyára ré kensel gorá;
 - imigricén bondi sóulot ottu neelaidiya; ar

éndhila honó nakami ye añár honó sámmor dorhás óre asór goríbóu yían ót ziyarot ókkol gorí faribellá yá oinno honó imigricén sóulot ot.

- Razinoma yían dostok gorí, añí razi óiyi fórom yían or sófa 1-3 ot Gólar Corót ókkol loi mani zaibellá.

Añí mainnín dé:

- Dipáthment é añártu zati maalumat ókkol zoma goré ar añí fórom 1553 *Privacy Notice Visitors to immigration detention facilities* óre foijjí. Añár zati maalumat, ar añár fuáñti aiccéde fuain zetarár añí maabaf yá garjén óiyide ítarar zati maalumat ókkol oré Dipáthment or torfóttu zoma, estemal ar zahéri goribélla monzuri dir, uore boiyan gorá giyéde moksót ókkol ólla ar/yá fórom 1553 ot zendilla huwágiyé yá Australíar kaanun ot zendila adikari diyagiyé.

Your full name

Tuáñr Fura nam

Your signature

Tuáñr dostok



Date
Tarík

Day Din	Month Mac	Year Bosór
/	/	